

**მოდი, მოხშირდი, ჭაღარავ**  
(სიმღერა)

მოდი, მოხშირდი, ჭაღარავ,  
წვერ-პირი მორთე თეთრადა,  
ეხლა იარონ იქნება  
ჭკვამ და გულისთქმამ ერთადა.  
მომწყინდა გულის ჯახირი,  
დამღალა მისმა ბგერამა;  
დღეს-აქამომდე მის ღელვა  
ვერ დამშვიდა ვერამა; -  
ბერ მუხად გულში იფარჩხვის,  
რაც მიანდერმა დედამა, -  
დაწურა, სისხლად დაწურა  
ქვეყნის უღმერთოდ რბევამა;  
ტანზე ამასხა ეკალი  
საფლავთ წინაპართ კვნესამა,  
აკლდამებდამ მწყრომარედ  
იმათმა გადმოხედვამა.

1895 წ.